



DOMOWINA

Rezolucija 18. hłowneje zhromadźizny Domowiny

nastupa: naćisk za wobnowjenje postajenja serbskeho šulstwa (SWSchuIVO) w Braniborskej

Ministerstwo za kubłanje, młodžinu a sport kraja Braniborskeje planuje předžělanje dotalneho postajenja wo wuhotowanju serbskeje a bilingwalneje wučby. W naćisku wobnowjenja je mjezy druhim zapisane, zo ma so wuknjenska skupina za wučbu serbsčiny a za bilingwalnu wučbu hakle potom wutworić, hdyž je w njej znajmjeńša 12 šulerjow/šulerkow. Njedocpěje-li so wona ličba, tak ma so wuknjenska skupina ze šulerjemi druhich lětnikow dospołnić, a to tak dołho, prjedy hač njeje so pominana ličba docpěła.

Delegaća 18. hłowneje zhromadźizny Domowiny wočakuja, zo zamołwite ministerstwo planowane zapisanje ličby cofnje. Naćisk SWSchuIV wot 03.02.2017 je předłoha, kiž měła so dokładnje, juristisce profundnje a zaměrej wotpowědnje předžělać a wusměrić na skrućenje serbskeje wučby we formje póznawanskeje, cuzeje a drugeje rěče, ze spěchowanjom maćernorěčne wotročacych šulerkow a šulerjow, Witaj-projekta na zakładnych šulach a bilingwalneje wučby w serbskej rěči za wšitke dalewjedźace šulske schodženki, přetož kubłanje je wažny wobstatk zdźerženja a wuwijanja serbskeje rěče, kultury a identity. Wočakujemy, zo hlada ministerstwo za kubłanje, młodžinu a sport při wobnowjenju mjenowaneho postajenja na dołholětnje nazhonjenja praktikarjow w zakładnych a dalewjedźacych šulach runje tak kaž na wuslědki a spóznaća ewaluacije bilingwalnych poručenjow, tak zo móže wobnowjene postajenje tež wočakowanjam krajneho plana za zmócnjenje delnjoserbskeje rěče wotpowědować a k polěpšenju a dale wuwijanju organizaciskich formow wučby serbsčiny we wšěch jeje fasetach služić.

Wočakujemy, zo nastaja so cyłkowny koncept za přiswojenje delnjoserbskeje rěče wot pěstowarnje hač k abiturje. Nazhonjenja při posrědkowanju hornjoserbsčiny w Sakskej dyrbjeli so při tym wobkedźbować.

Wojerecy, dnja 25.03.2017

delegaća 18. hłowneje zhromadźizny Domowiny